

上莊河縣志

下卷

序

在昔漢世承周文治郡國圖籍畢上太史唐宋以還圖經方志粲然大備爲史要刪而我東
省地爲良維俗尙簡古康熙乾隆間僅兩修通志州縣各志竟付闕如改步以來各縣新志
漸有成書莊河舊隸岫巖僻處海濱功令屢頒人鮮倡議民國八年黔南廖公來宰我邦下
車伊始慨縣志之未修勤政之餘召集耆碩或司采訪或任纂述錦堂以駑鈍下材職鄉邦
教育謬承推轂忝任協修握槩懷鉛隨諸君子後經兩度始蒞其事書成都爲十二卷分八
十八日至於酌古準今則以地處邊陲前無紀載聞或互異語焉未詳錦堂比年百憂罹心
三餘少暇吹竽已濫汲綆不修每維桑梓之敬益增孤陋之慚謹弁編首告後之覽者知吾
鄉風俗樸茂後進禮樂不容稍緩也于錦堂謹識

民國六年

序

傳曰千里殊風百里易俗風俗各不同而爲治之道亦因而各異所以古者方輿有紀風土有志舉一方之建置沿革與夫山河形勢人民種族物質土宜禮教風化一一著諸篇章以備輶軒之採擇並示後來學者俾知所因革焉法至良意至美矣方今國體初更講求自治者汲汲焉以實錄爲急務其即本此意也夫

彭承乏斯土慨縣志闕如從政之餘爰集邦人士從事編輯閱五月告成全冊都十二卷分目七十有二

彭受而讀之是編所載多詳於近今而疏於往昔頗以簡略爲嫌然亦勢所使然無足怪者先是莊河全境悉隸岫巖州爲州屬極南之沿海疆域離州治窅遠鞭長莫及晚清光緒三十二年始設廳治民國二年一律以縣稱囿于一隅史策從無紀載鄉里絕少撰述元明以前無論已卽清初事蹟亦莫考而知諸君子僅就耳目所及而編訂之又何怪其略而不備歟抑又思之莊河一邊僻小邑自

設治以迄於今不過十三年耳其初最稱難治曾幾何時新政次第畢舉文化日漸輸入而學校之林立選舉之競爭且駕他邑而上之隨潮流以俱進日新月異而歲不同亦足增簡策之光矣方興未艾彭於斯有厚望焉是爲序

中華民國八年一月黔南廖彭錢如謹撰

序

竊以縣之有志所以察治忽昭懲勸備輶軒之採而爲後來觀感之資者也矧今輪軌大通
治化日進苟舉一邑之山川形勢政治沿革民情風俗與夫人事物品諸大端茫乎一無可
考幾何不同於荒徼而無以起斯人愛戀鄉土之思縣志之修烏容已乎特莊河僻處海濱
其初不過一小商埠耳原隸岫巖州晚清光緒三十二年因距州窵遠教澤難周始設立廳
治凡疆域所在從無紀述之文雖從而蒐輯之誠慮無所依據幸廖公錢如來宰斯邑下車
伊始慨縣志之闕如爰集邦人士設局編輯元不才謬膺其任第就採訪所及信以傳信疑
以傳疑不矜奇以示異不溢美以失實閱五月而告成立總目十二分目七十二其間之里
漏譴陋知所不免竊願後之殫見洽聞之士有以補其闕而糾其謬焉斯則元之所深幸
也夫是爲序

民國八年四月一日邑人宋掄元謹撰

序

或問於滋桂曰莊河縣志之修始地理職官終古蹟風景總目若干分目若干付之剗剗將以備星輶之採訪供雪案之披觀庶免一物不知儒者所恥之誚歟應之曰如子言豈足盡修志之意乎方今共和之政教維新歐美之文明輸入地理弗詳無以喚起人民愛國之思想職官弗講無以通曉吏治澄清之本原民治未諳無以洞明保衛治安之要素教育未悉無以研究溝通文化之原理而且財政實業何以通商惠工交通禮俗何以置郵觀風人物物產何以周諮多識古蹟風景何以展覽詠歌覽斯志者苟一一而留心焉吾知感觸租界愾慕循良注意警察垂情學校以及內政外交名勝品物諸大端無一不興起社會之觀念即無一不關切維新之進化顧亭林曰國家興亡匹夫有責所望刊行之後俾莊河之區域日起有功則擴而充之安見共和之政教不遠勝於歐美之文明哉竊願與桑梓人士共勉

之

中華民國八年正月邑人劉滋桂謹識

序

莊河僻處海東爲國界之極邊風氣較遲文物典章向鮮紀載故設治洎今志乘闕如也民國締造之六年廖君彭來宰斯邑始集邦人士而編輯之文獻無徵於事爲創旁搜博采規模以具功垂成遷調他去而繼其任者爲趙君增厚不及兩載復以病歿職是因循鉅梓未遑也歲庚申陽來承乏邦人士以原稿見示且屬爲之序陽矍然曰此已成之績也予何言哉以廖君之提倡與夫諸君子之羣策羣力經營慘淡以竟厥功此成績之所由著也予何言哉雖然考文徵實一邑之志一邑之史也後之視今猶今視昔損益沿革胥於是在卽其疆域之廣袤山川道路津梁之夷險田賦之重輕民風之厚薄古蹟之留遺殘碑斷碣亦腐精華彼官茲土者下車問俗將由此借鏡焉況莊邑裡江表海喉扼東陲國防有事實爲巖疆而居多斥鹵設有專司利源所關尤關食物紀載均未可缺也則是書之編輯不綦重乎

陽來晚不敢掠美而差幸會觀其成也爲綴數言藉誌巔末云爾

中華民國十年十月宜興李紹陽撰

莊河縣志

凡例

一莊河向無縣志廖公錢如來蒞斯土於民國七年秋召集本邑士紳從事編輯十年李公薪淵督集續修是書於是告成付梓

一此書分爲總目十二分目七十二以便事有統攝語有綱領

一莊河係山岫巖劃分設治未久既無成書可考編輯自宜詳審本編所列概就實地調查如人物禮俗古蹟各項悉訪諸鄉紳耆老確有可憑者妥慎採入傳信傳疑不加附會

一莊河地處海隅事務簡少應志事宜較之省道殷繁之區實有不同故本編關於兵事附於民治門關於宗教附於古蹟廟宇門關於善舉附於實業商務門不另列卷以免瑣碎一縣視學勸學所雖屬教育機關究爲辦理學務行政而設含有官吏性質故載入職官不

列教育門

一本編圖繪凡山脈河流各區警學保甲鹽灘皆以號表標明以便省覽

一山石林泉有天然之幽趣勝地佳境不可令其湮沒本編有見於此特將莊河風景附於

藝文門以備騷人韻士選勝遊眺

一森林魚鹽爲莊河特別出產本書特併編入以備參考

一救養工廠爲遊民而設實業中含有慈善性質惟廠內啡賭犯佔多數歸於官吏執行故

列職官門

一本編所採碑文多係不載祀典之廟宇以其有關於古蹟可備參考其他碑序公牘雜記

詩歌等擇其有關於掌故風俗者以登錄之

一編內插入之街市各圖除治城實行測繪外餘如青孤二鎮均未測量僅就來稿照繪謬

誤之處情知不免尙希閱者見諒

莊河縣志職名

督修

莊

河

縣

知

事

廖彭

莊

河

縣

知

事

李紹陽

纂修

邑

人

宋掄元

邑

人

劉滋桂

邑

人

寇廼榮

協修

邑

人

于錦堂

邑

人

王仲洋

邑

人

李煥章

調合

邑

人

宋作哲

邑

人

張允中

邑

人

鄧堯廷

邑

人

許東昶

繪圖

邑

人

趙貴恒

校閱

邑

人

王鳳池

邑

人

吳雲階

邑

人

王家慶

邑

人

李其實

繕寫

邑

人

徐觀海